

¡BOMBA!

Transición inició hoy día,
aunque tendrá que ir despacio;
no cedió todo el Palacio,
sí el salón Tesorería



K'uintsil

Martes 11 de junio de 2024

CAMPECHE · YUCATÁN · QUINTANA ROO · AÑO 9 · NÚMERO 2252 · www.lajornadamaya.mx

U ketlamil u k'aay ch'iich'o'obe', úuch suuka'ak u beeta'al tu noj lu'umil Afganistán



Lalaj viernese', wa tumen k'iin tu cha'aje', ya'abach xiibo'obe' ku múuch'ulo'ob ti' jump'eel kaancha ma' tu k'a'abéetkunsa'al tu chik'inil Kabul, tu lu'umil Afganistán, ti'al u yu'ubiko'ob u ketlamil u k'aay ch'iich'o'ob.

Jamaluddin, 50 u ja'abile' ku ya'alike' jach "ki'imak u yool" yéetel ich "jets' ool yanik" kéen u cha'ant le úuchben afgana suuka'anila'.

Kéen láaj listukúunsa'ak ba'ale', u yuumil ch'iich'o'obe' ku je'ebko'ob le jaulas tu'ux

yaan le ch'iich'o'obo', ts'o'oke' ka'atúul jueso'obe' ku tich'ko'ob ka'anal ti'al u yila'al tumen máaxo'ob ku cha'an. Ch'iich'o'ob túune', k'a'abéet leti' u xiibilo'obe', ku káajal u popokxiik'o'ob yéetel u k'aayo'ob.

Ma' talam u jóok'sa'al máax ku náajali' le ku ch'éenel u k'aaye' ku pe'er.

Jach jats'uts u yila'al ch'iich'o'ob tumen afganoilo'ob, beyxan tuláakal ba'al yaan u yil yéetelo'obi'. Ch'iich' ku k'a'abéetkusa'al ti'al le je'ela' leti'e' jilgueroo', ts'o'oke' u

ko'ojil u ma'anale' yaan ba'al u yil yéetel u jats'utsil u k'aay. Le jach ma' ko'ojtako' je'el u tojoltik 500 afganis (kex 115 pesos ti'al to'on). Ba'ale' wa leti'e' maas jats'uts u k'aayo' je'el maas ko'ojtale'.

Ch'iich' k'aaynaj Kabul le ja'ab máaniko', xáanchaj kamp'eel minutóos yéetel 44 segundóos, ts'o'oke' tu tojoltaj mil doolarées, ti' jump'eel lu'um tu'ux u 85 por siientoil u kaajile' kaja'an yéetel meenos ti' jump'eel dooláar sáansamal.